



Broj: JP-3/24

Mjesto i datum: Sarajevo, 02.08.2024.

Javni poziv za eksternog člana/icu Komisije za odabir projekata u sklopu projekta “Zajednice po našoj mjeri!”

Vijeće mladih Federacije Bosne i Hercegovine je krovna organizacija za mlade, prepoznata i kreirana u skladu sa Zakonom o mladima u ovom entitetu. U decembru 2015. godine je održana osnivačka Skupština na kojoj su predstavnici šest kantonalnih vijeća mladih formirali ovo udruženje, a koje od tada aktivno radi na poljima rada sa mladima, javnog zagovaranja, politika prema mladima, te unaprjeđenju omladinskog organizovanja u Federaciji BiH.

Vijeće mladih FBiH raspisuje Javni poziv za eksternog člana/icu Komisije za odabir projekata u okviru projekta “Zajednice po našoj mjeri!”, a u skladu sa Statutom i propisanim internim pravilima i procedurama organizacije. Više o projektu “Zajednice po našoj mjeri!” možete pronaći [ovdje](#).

Javni poziv se realizuje u partnerstvu sa Mrežom za izgradnju mira, u okviru USAID-ovog projekta Snaga lokalnog/ Podrška lokalnim resursnim organizacijama (LRO/A).

Komisiju za odabir projektnih prijedloga čini: stručni grant menadžerica, finansijski administrator, član/ica Upravnog odbora Vijeća mladih FBiH i eksterni/a član/ica.

Uključivanjem eksternog člana/ice povećava se objektivnost i transparentnost cjelokupnog procesa, te pruža prilika za angažman mlade osobe u ovakvom procesu. Komisija za odabir projektnih prijedloga sastat će se do dva puta uz mogućnost vanrednog sazivanja sjednice Komisije.

Svaki od članova/ica će imati mogućnost bodovanja svake pristigle projektne aplikacije prema kriterijumima definisanim u Pravilniku. Ukoliko se iskaže potreba, Komisija može zatražiti dodatno vrijeme za odabir projektnih prijedloga, a ne duže od 14 dana.

Kriterijumi za izbor eksternog člana/ice su:

- Mlada osoba od 15 do 30 godina starosne dobi sa adresom prebivališta u Bosni i Hercegovini;
- Minimalno dvije godine relevantnog iskustva u polju omladinskog rada;
- Poznavanje strukture Vijeća mladih Federacije BiH i politika prema mladima;
- Kandidat_kinja ne dolazi iz organizacije koja se prijavljuje na poziv zbog sukoba interesa;
- Kreativnost i inovativnost u radu;
- Sposobnost rada u timu i dobar timski duh.

Napomena: Učešće u Komisiji isključuje mogućnost apliciranja na Javni poziv zbog sukoba interesa.

Mogućnosti:

- Rad u dinamičnom, mladom i stručnom timu;
- Prilika za stjecanjem novih znanja i vještina u pozitivnom radnom okruženju;
- Prilika za usavršavanjem na polju omladinskih politika i omladinskog organizovanja;
- Poklon paket po završetku angažmana;
- Putovanja i umrežavanja na projektnim aktivnostima podržanih projekata u okviru projekta "Zajednice po našoj mjeri!";
- Mogućnost ponovnog angažovanja od strane Vijeća mladih Federacije BiH.

Trajanje angažmana: do 1 mjesec

Očekivani početak angažmana: 15.08.2024.

Tip angažmana: Volonterski

Svi zainteresirani kandidati_kinje trebaju poslati:

- CV (curriculum vitae);
- Listu ideja kojima biste kao eksterni član_ica Komisije dali svoju podršku;
- Izjavu da niste uključeni u rad organizacije koja se prijavila ili koja će se prijaviti na navedeni Javni poziv.



Prijavu šaljete putem mail adrese konkurs@vijecemladih.ba sa naznakom „Prijava za poziciju eksternog člana/ice Komisije“ najkasnije **do 12.08.2024. godine u 23:59h.**

Formu liste ideja možete preuzeti na ovom [linku](#).

Samo će kandidati_kinje koji prođu u uži krug biti pozvani na razgovor sa Komisijom.

Više informacija o krovnoj organizaciji za mlade u Federaciji BiH – Vijeću mladih FBiH, možete pronaći na www.vijecemladih.ba, a za pitanja u vezi javnog poziva i projekta možete se obratiti na mail: berina.bulatovic@vijecemladih.ba.